

浙撫參劾屬員摺

浙江巡撫臣張曾敭跪 奏為特參不職各員請 旨分別懲處恭摺仰祈 聖鑒事  
竊維近歲以來時艱日亟 朝廷改革庶政百度維新法法得人而行其機源終在  
課吏凡有司未有錮習不除操守不潔而可與言新政者也臣到浙以來詳察所屬  
各官其尤為不職者見聞既確自應據實參劾查有候補道萬福康習為詐偽操守難  
信候補知府薛邦和治游縱酒致釀命案何產連承辦要公草率偷減嘉興府通判王  
世鈞縱容子弟物議滋多候補通判曾永昌行為卑鄙胆大妄為山陰縣知縣王壽頤  
奔競營私聲名甚劣平湖縣知縣戈石麟賦質昏庸不理民事泰順縣知縣朱慈清嗜  
酒亂性公事廢弛長興縣知縣趙以成授權丁役聽斷納塗昌化縣知縣伍煥寅衰庸  
嗜利不替民艱鎮海縣知縣韓銓羈押多濫取下縱容天台縣知縣和元薄庸懦無能  
門丁專擅浦江縣知縣楊壽春案多 賸不治民心甚懸知縣疏彬比履劣紳不理  
詞訟壽昌縣知縣俞宗淵才具庸下操守不謹署餘姚縣候補知縣程文龍斷課病民  
養贖貽害署永嘉縣候補知縣沈德寬嗜好太深事多文飾候補知縣曾維阜貪婪無  
耻不隨同官升知縣陳朝佐經收州款有心欺騙嘉興縣通判胡汝鸞猥鄙無能  
昏庸任下鮑郎以鹽大使孫傳德營謀繁與被控有案長林縣鹽大使高維基年老衰  
頹受人欺蔽崇明縣鹽大使賈芳才具竭蹶不遵教令大嵩縣鹽大使趙恩恩比履灶  
戶民怨沸騰緝私案延擱不教品行士林指摘青田縣訓導沈祖榮包攬詞訟  
兩願官箴訓導吳炳文惟利是圖不堪司鐸武康縣教諭金國錫恣睢唯里官民  
皆怨以上二十八員均請即行革職薛邦和曾永昌曹維阜二員情節尤重並請永不  
敘用署新昌縣候補知縣楊慶光年老衰頹失於疏縱請以縣丞降補衢州府教授魏  
照元年邁多病難資督導應請勒令休致石門縣知縣徐元授才具明白躁進貽誤東  
陽縣知縣楊泰階辦事粗率人地不宜建德縣知縣謝福慶治行平常才欠開展石堰  
場鹽大使胡幹辦事遲緩未能振作以上四員均請開缺另補凡此曾經臣察有實跡  
此外未經查出者尚復不免仍當隨時考察察劾以肅吏治其廉能之吏容候查有實  
在政蹟再行奏請獎勵至所參地方鹽務責任各缺浙省均有應補人員應請扣留外  
補所有參劾不職各員請 旨分別懲處各緣由理合恭摺具 奏伏乞 皇太后  
皇上聖鑒訓示謹 奏奉 硃批另有旨欽此

衍聖公太夫人到京之原因

京師 ○衍聖公府有 賜地在 獨石口外因現在之衍聖公名令貽者冲年襲爵府政無人經理賴 太夫人內外支持不允顧此失彼各處莊地皆被莊頭及地方官乾 沒者甚多甲午年經王祭酒懿榮奏請飭查迄未全數清出蓋徐州 道一缺賴官地租銀為大宗進款所謂官地者大半皆衍聖公府之 產經黃流改變而失迷者也是以雖奉 旨飭查亦僅以零星瘠地 湊集數頃含糊塞責而衍聖公府度支因此困難年甚一年獨石口 外之地亦久未清理近聞貽將軍開荒將該地全行放墾故太夫人 親自來京冀設法清釐以復先疇係由曲阜乘輿至正定改乘火車 北上外間傳言謂特 旨宣召衍聖公進京者當係因此傳訛 按太夫人為長洲相國彭文敬公之孫女盛年守節撫孤今衍聖公 雖已成立而府政仍太夫人主持前數年因清查地畝曾親赴江寧 謁張香帥亦巾幗而鬚眉者

蘇州官事

○江蘇學政唐宗師將由無錫啓輪來蘇長元吳 三首縣於二十日飭辦差人等在胥門外接官亭預備迎迓○西路 巡局委員李相鈞另有差委改委文煥接辦已於二十日奉札謝委 ○二十日蘇藩牌示調補丹徒縣知縣現署寶山縣知縣王得庚本 日奉撫憲面諭暫留署任○又示王得庚現在暫留寶山縣署任丹 徒縣一缺以現署溧陽縣知縣宗能述調署部選溧陽縣知縣劉佐

宸現已領憑到省應即飭赴新任○又署震澤縣丞蔡保昌署任 期滿遺缺以周師尹調補 (且)

江北師範行開校禮 清江 ○江北師範學堂前經提督劉延 帥委許君仁山會同張君蔚西辦理已於上月開課本月十五日舉 行開校禮劉提督率准揚道蒞觀察蒞堂學生列隊操場奏軍樂歡 迎謁聖禮成提督勸勉學生數語 (望)

象山開辦習砲所 鎮江 ○象山砲台總台官溫朝儀自籌經 費於月之十八日開辦習砲所分爲四科一習砲二習槍三測繪四 算術星期六日則一律教以修身倫理 (工)

陽壇深三縣民情不靖 鎮江 ○丹陽金壇溧陽三縣窮民生 計素艱現當米珠薪桂民心惶惶匪徒又乘勢播散搶掠米店謠言 縣令爰特一面出示嚴禁肇事一面趕籌平糶 (工)

畜幫聚眾恫嚇官長 鎮江 ○前有下等畜客百十餘人討誘 保鳳戲園主人至天和茶館聚而毆之以洩看戲索價之恨當被警 勇奪得兇器刃具呈縣請辦郭大令立提倡首之畜客三名訊明管 押畜幫遂散布匿名揭帖聲言被拘三人若不開釋即將戲園焚燬 希圖挾制云 (工)

請禁冒牌香烟未准 安慶 ○昨有英商至洋務局稱有英美 公司香烟運往各省推銷恐有刁商冒牌混售有碍商標請給示諭 洋務總局鄭觀察轉稟撫署恩中丞以皖省向無該國通商口岸亦 無該國領事照會須俟有該國領事照會始能酌奪云 (多)

逼交逃勇釀禍 安慶 ○欄江磯炮隊有某勇私竊軍裝逃逸 管帶當即派勇緝查昨有緝勇三人至省城東門外適遇逃勇之弟 拘住逼交其兄意欲帶回訊辦恫喝過甚其弟懼而服毒立時殞命 勇等見已釀事潛即遁去當經警察局稟報大憲故近有調該管帶 晉省查問之說而管帶亦已將肇事之緝勇查出以待質訊 (多)

吳淞擬設商會 ○吳淞雖已開作商埠惟市面未興商會亦 未成立近有合盛魚行主李君仲言發起擬聯絡本鎮各業商設立 商務分會已於本月十九日下午二點鐘預邀各幫店主經理等在 馬路工程局會議開辦一切等事各幫商頗踴躍贊成 (且)

紀崇明鄉民與輪船管駛人為難 吳淞 ○本月某日有北沙 鄉人某甲由滬乘長和輪船駛抵崇明南門外施翹河碼頭因在艙 內更換衣褲為管輪人郭某撞見指甲為竊賊喝令水手等將甲綁 縛凶毆繼又用黑物塗其面然後揮之使去事後有多人聞而不服 擬公稟縣主拘郭等懲究時適縣主在省由縣幕勸導而止既而城 內外鄉民忽於本月十五日下午四點餘鐘乘該輪抵埠時糾眾欲 尋郭姓等為難適縣主楊大令在輪向眾喝阻各鄉民挾眾要求縣 主鎖拿郭某到縣治以應得之罪縣主口雖允許並未實行拘辦各 鄉民遂上前將郭由輪曳至岸灘環而毆擊縣主恐傷郭命親自上 前將郭護護致遭大眾擠仆補褂朝珠頗有損壞其時蘇鎮中軍張 遊戎帶領警兵到場彈壓亦遭推墮田心幸營縣官紳奮勇勸誠始